

Na osnovu člana 24. stav (1) tačka b) i člana 28. stav (1) tačka b) Zakona o internoj reviziji institucija Bosne i Hercegovine („Službeni glasnik BiH“, br. 27/08 i 32/12), a u skladu s Okvirnim programom obuke i certifikacije internih revizora za javni sektor u Bosni i Hercegovini Koordinacionog odbora centralnih jedinica za harmonizaciju broj: KO-12/16 od 26.12.2016. godine i Pravilnikom o zapošljavanju internih revizora u institucijama BiH („Službeni glasnik BiH“, br. 81/12 i 99/14), Centralna harmonizacijska jedinica Ministarstva finansija i trezora Bosne i Hercegovine, donosi

Izmjene i dopune Programa obuke i certificiranja internih revizora u institucijama Bosne i Hercegovine

Član 1.

U Programu obuke i certificiranja internih revizora u institucijama Bosne i Hercegovine („Službeni glasnik BiH“, broj 7/15, u daljnjem tekstu: Program), član 24. mijenja se i glasi:

„Član 24. (Verifikacija certifikata)

- (1) Verifikacija certifikata podrazumijeva izdavanje mišljenja od strane Centralne harmonizacijske jedinice Ministarstva finansija i trezora BiH (u daljnjem tekstu: CHJ) o prihvatljivosti certifikata i/ili zvanja internog revizora, u smislu kvalificiranosti za obavljanje poslova iz oblasti interne revizije u organizacijama iz člana 2. stav (2) Zakona o internoj reviziji institucija BiH, a u vezi sa ispunjavanjem dodatnih uslova za zapošljavanje rukovodilaca jedinica interne revizije i internih revizora koji su definirani Pravilnikom o zapošljavanju internih revizora u institucijama BiH.
- (2) CHJ će provesti postupak verifikacije certifikata internih revizora svim osobama koja podnesu zahtjev za verifikaciju certifikata koji su stečeni kod entitetskih centralnih harmonizacijskih jedinica ili kod strukovnih udruženja."

Član 2.

U Programu iza člana 24. dodaju se članovi 24a. i 24b. koji glase:

"Član 24a. (Priznavanje certifikata entitetskih centralnih harmonizacijskih jedinica)

- (1) Certifikati internih revizora stečeni kod jedne od entitetskih centralnih harmonizacijskih jedinica u skladu s odredbama Okvirnog programa obuke i certifikacije za javni sektor u Bosni i Hercegovini koji je odobrio Koordinacioni odbor centralnih jedinica za harmonizaciju (u daljnjem tekstu: Okvirni program KO CJH), priznaju se u skladu s odredbama ovog Programa.

- (2) Postupak priznavanja certifikata za interne revizore koji su primljeni u profesiju interne revizije po osnovu zasnivanja radnog odnosa u institucijama BiH, a koji su certifikat internog revizora stekli kod jedne od entitetskih centralnih harmonizacijskih jedinica, podrazumijeva:
- a) podnošenje zahtjeva od strane internog revizora uz koji se dostavlja kopija stečenog certifikata;
 - b) provjera vjerodostojnosti certifikata i programa po kojem je interni revizor stekao certifikat, koju provodi CHJ.
 - c) donošenje rješenja o priznavanju certifikata, kojim se potvrđuje osnovanost sticanja certifikata i utvrđuju dodatni uslovi za sticanje zvanja ovlaštenog internog revizora u institucijama BiH i upis u Registar ovlaštenih internih revizora u institucijama BiH
- (3) Dodatni uslovi za sticanje zvanja ovlaštenog internog revizora u institucijama BiH i upis u Registar ovlaštenih internih revizora u institucijama BiH, u postupku priznavanja certifikata, odnose se na slučajeve kada CHJ utvrdi da program za sticanje certifikata nije usaglašen s Okvirnim programom KO CJH, kao i kada interni revizor nije savladao praktičnu obuku pod nadzorom mentora, u skladu s odredbama ovog Programa
- (4) Nakon ispunjavanja zahtjeva iz stava (3) ovog člana, CHJ će donijeti rješenje o sticanju zvanja ovlaštenog internog revizora u institucijama BiH i upisu u Registar ovlaštenih internih revizora u institucijama BiH.

Član 24b.

(Priznavanje certifikata strukovnih udruženja)

- (1) Interni revizori koji su stekli certifikat internog revizora kod strukovnog udruženja, a koji su primljeni u profesiju interne revizije u institucijama BiH po osnovu zasnivanju radnog odnosa, imaju obavezu dostaviti CHJ zahtjev za priznavanje certifikata, uz koji će obavezno biti dostavljen i certifikat zajedno s programom obuke i certificiranja strukovnog udruženja kod kojeg su stekli certifikat, kako bi CHJ utvrdila da li postoji razlika između programa po kojem je taj certifikat stečen i odredbi ovog Programa.
- (2) Ukoliko CHJ, razmatrajući zahtjev iz prethodnog stava, utvrdi da ne postoji razlika u sadržaju teorijske obuke, polaganju pismenog ispita i obavljene praktične obuke, između programa po kojem je stečen certifikat internog revizora kod strukovnog udruženja, s jedne, i odredbi ovog Programa, s druge strane, CHJ će internom revizoru izdati rješenje o sticanju zvanja ovlaštenog internog revizora u institucijama BiH i upisu u Registar ovlaštenih internih revizora u institucijama BiH.
- (3) U slučaju da CHJ utvrdi postojanje razlike u sadržaju teorijske obuke, polaganju pismenog ispita i obavljene praktične obuke po kojem je interni revizor stekao certifikat internog revizora kod strukovnog udruženja, s jedne, i sadržaja i odredbi koje propisuje ovaj Program, s druge strane, CHJ će donijeti rješenje kojim se utvrđuju dodatni uslovi za sticanje zvanja ovlaštenog internog revizora u institucijama BiH i upis u Registar ovlaštenih internih revizora u institucijama BiH, a interni revizor je dužan utvrđenu razliku položiti, dinamikom i na način kako to CHJ utvrdi.

- (4) Nakon ispunjavanja zahtjeva iz stava (3) ovog člana, CHJ će donijeti rješenje o sticanju zvanja ovlaštenog internog revizora u institucijama BiH i upisu u Registar ovlaštenih internih revizora u institucijama BiH.

Član 3.

- (1) Ova odluka stupa na snagu osmog dana od dana objavljivanja u "Službenom glasniku BiH".
- (2) Ova odluka bit će objavljena i na veb stranici Centralne harmonizacijske jedinice Ministarstva finansija i trezora BiH: www.mft.gov.ba.

Broj: 02-1-02-4-386/18
Sarajevo, 07. 12.2018. godine

Direktor
Centralne harmonizacijske jedinice
Ministarstva finansija i trezora BiH
Ranko Šakota, s.r.